

L'E G V E T
DES BONS PERES

IESVITES, POVR ESPIER
LES ACTIONS DES ROYS ET
Princes Chrestiens, sous pretexte
d'auancer la Religion Catholique
Romaine, en faueur & aduance-
ment de la maison d'Austriche.

O V

*Se voyent les menees, complots, machina-
tions, guerres, meurtres, bouleuerse-
mens d'Estats & assassinemens
des Roys.*



X M. DC. XXI.

THE FIRST PART

OF THE HISTORY OF THE

REIGN OF KING CHARLES

FIRST

BY SAMUEL JOHNSON

ESQ.

LONDON

Printed by J. DODD, in Pall-mall

1765

Price 1s. 6d.

Half-bound in leather

10s. 6d.

12s. 6d.

14s. 6d.

16s. 6d.

18s. 6d.

20s. 6d.

LE GVET DES BONS
PERES IESVITES, POVR
espier les actions des Roys &
Princes Chrestiens, sous pre-
texte d'aduancer la Religion
Catholique Romaine, en faueur
& aduancement de la maison
d'Austriche.

OV

*Se voyët les menees, complots, machina-
tions guerres, meurtres, bouleuersemens
d'Estats & assassinemens des Roys.*



Ve dirons-nous, Messieurs,
des funestes effects des des-
seins exorbitans & attentats
insupportables d'une pre-
tendue cinquiesme Monar-
chie vniuerselle, incognüe au Prophette
Daniel, & proiettée des long temps au
cerueau d'une nation incompatible &
fiere au possible; se descouurent non seu-
lement en nos iours es Royaumes &

Prouinces, qui sont aujourdhuy le théâtre où se jouient tant de sanglantes tragedies : mais de tout temps se sont fait sentir aux regions & nations les plus esloignées. Car pour ne rien dire des menées & entreprises d'icelles, pratiquées sur l'Afrique & l'Asie, sur les Mores, Arabes, Turcs, Perses, & Indiens Orientaux, partie ouuertement par armes, partie frauduleusement par le ministère d'une peste de Gens de ce siècle dernier, qui sous vn faux masque de pieté, respirent plus le monde que le ciel; plus la region que la Religion, gastans cependant l'une & l'autre, par l'infection de leur haleine : sauterelles montées de Puits de l'Abyssine : fleaux de l'ire de Dieu : trompettes de sedition : Arbitres des vies & Couronnes des Roys, tant en leur doctrine qu'en leurs effects, les plus pernicious Emissaires & Ianissaires, non seulement de leur AGA OU GENERAL, mais aussi de ceste nouvelle Monarchie, leur vraye & vnique patrie. Et pour passer mesmes sous silence les enormes, & plus que barbares cruautéz exercées à l'endroit des pauvres Indiens Occidentaux

ou Americains; ausquels, & la Religion, & la memoire des Chrestiens en a esté renduë detestable. Je vous toucheray seulement du bout du doigt les miseres & calamitez extremes que la Chrestienté a souffertes depuis quelques annes sans distinction de Religion, & de parentage; voir les Estats Catholiques autāt ou plus que les autres, par l'orgueil insupportable des Espagnolz Et pour commencer par les parties de l'Espagne mesmes, les Roys & Royaume de Portugal, ont-ils esté, espargnez pour auoir esté Catholiques; Rien moins aux principaux dudit Royaume, qui tenoient pour la patrie & pour leur Prince naturel: l'Espagnol promet monts & merueilles pour se rendre, & luy vendre l'Estat. Quoy fait, il les fit prisonniers, & leur forma vn procez criminel sous ce pretexte sophistic: que s'ils le recognoissoient pour Roy legitime de Portugal, ils estoient rebelles? & par consequent criminels de leze Majesté, pour ne l'auoir recognu plustost, & sans contradiction. Si pour Prince estranger, qu'ils estoient traistes à leur propre patrie; & par consequent punissable en ceste quali-

ré. Les Princes & Estats du Royaume d'Arragon, quel traitement en ont-ils receu: le Duc de Villa Hermesa, le Marquis de Fuentes & autres? C'est que pour auoir esté bons & loyaux patriotes, plusieurs d'eux ont perdu leurs testes, contre la foy promise. Que diray-je des Morisques & Granadins despoüillez de tous leurs biens depuis peu d'années, dechassez & barbarement massacrez à milliers, sous vn faux pretexte d'auoir esté soupçonnez de mescreance & intelligence avec les estrangers: mais apres impetration solemnelle de grace & de pardon, d'vne faute long temps auparauant commise? Passons en Italie, & demandons en conscience aux Neapolitains, Milanois & autres, si en faueur de la Religion Catholique, ils ont senty ce ioug plus supportable.

Le Duc de Sauoye n'a-il pas experimenté en diuerses sortes combien vaut l'aune de ceste affinité? Car lors que le dit Duc eut espousé l'Infante d'Espagne, il luy bailla conseil de se saisir du Marquisat, faire la guerre (comme il fit) aux Roys Henry III. & Henry IIII. Prendre

Geneue pour en faire son Arsenac, où il fit tous ses efforts: Eschange de pays (& Paix faite avec le Roy Henry le Grand, & ceux de Berne & Geneue:) Il demenda à son beaupere, apres la mort de l'Infante sa femme, le Milanois qui luy auoit esté baillé pour doüaire, il luy fut refusé, disant, qu'il auoit tant & tant emprunté d'argent du Roy Philippes, pour solder les armes qui auoyent esté consummee en France & deuant Geneue, qu'il se trouuoit redeuable de plusieurs millions: que l'interest surpasseoit le reuenu du Milanois. Et lors de la guerre que le Duc faisoit au Milanois, ne fit-il pas desister monsieur de Nemours du seruice qu'il deuoit à son parent, monsieur de Sauuoye? le conseillant de torner ses armes contre son propre sang: Et s'estant rendu dans l'armee de l'Espagnol luy offrant son seruice; lors il luy fut commandé d'aller dresser vn armee dans la Franche-Comté, puis vint fondre sur la Sauoye du costé de Geneue (y demandant passage, qu'on luy refusa) esperant enuayr tout le Geneuois & partie de la Sauoye (sçachant bien qu'elle estoit sans

armes) pour faire rebrosser le Duc & secourir son propre pays : mais il y trouua le Prince Major que le Duc son pere y auoit enuoyé, & ny trouuant point d'armes, fut contrainct de recourir à ses voisins, qui luy baillerent six mil mousquets & deux milles picques, lesquelles seruirent à respousser monsieur de Nemours, & mettre à neant son armee. Les Venitiens on santý ce que vaut ce voisinage: les autres Princes & Republiques d'Italie, ce que leur profite l'entremise en leurs differends, & affaires de celuy qui pretend estre arbitre du monde: Les Grisons aussi bien que les Suisses se voyent à vn doigt prés de leur ruine, non pas tant par ce preiudiciable fort de Fuentes, que par les dissensions internes semees au milieu d'eux; partie au moyen des Colleges, ou plustost Citadelles que les Iesuites y ont plantees; partie par les pistolles distribuees par les Ambassadeurs, & autres Ministres de ceste cabale.

La France, à bon droict appelée Tres-Chrestienne, & fille aisnee de l'Eglise, à laquelle neantmoins (pour l'auoir esleuee, nourie & enrichie iusques à profusion)

fusion)'elle'a rendu office plustost de mere que de fille, en âge & grandeur sœur aisnee, pour ne dire bis-ayeule de l'Espagne, a elle esté espargnee de ceste sienne frere & hautaine cadette? certes rien moins: Tout au contraire, elle en a esté traittee, non seulement en sœur bastarde, mais plustost en supposee estrangere, ou tout à fait ennemie; & le plus souuent, ou par instigation expresse, ou par approbation & conniuece de ceste sienne ingratté marastre de Rome. Telsmoin Naples, Milan, & sur tout l'iniuste detention de la Nauarre, continuee iusqu'à ce iourd'huy, d'un beau-pere enuers son gendre. Et qui veut particulièrement sçauoir ses attentats cõtre la France mesme, à laquelle impudemment elle ose disputer la preseâce; qu'il lise seulemēt les vies & histoires de François I. Henry II. François II. Charles IX. Henry III. & du feu Roy Henry le Grand d'immortelle memoire, traistrement tué au milieu des siens, de mesme que son predecesseur; descrites, tant par des Catholiques que par d'autres, qui viuoient lors, & depuis: il y trouuera d'un costé mille pratiques, cõplots, perfidies, & desloyautez detestables, de

ceste impiteuse sœur, pour supprimer son
 aînée; quoy qu'eustres-estroitement liée à
 icelle, & de religion & de parentage. De
 l'autre, autant de tesmoignages du se-
 cours admirables de Dieu, autant de can-
 deur & de valeur des bons François d'une
 & d'autre religion, autant de compassion
 & d'assistance des Roys Roine, Electeurs,
 Princes & Estats, amis & allies, pour la
 pluspart de la religion, qu'on appelle des
 Protestans. De sorte que tous bons pa-
 triotes & vrais François, bien que Catho-
 liques, aduoient volontairement, & en
 leurs ames, & en leurs escrits, que depuis
 que le monde est diuisé en diuerses opi-
 nions pour la religion, le mal qu'ils ont
 senty est quasi tousiours venu de gens
 faisans profession de la Catholique Ro-
 maine, qui sous vn faux masque de deuo-
 tion, pour exterminer les heretiques ont
 plus endommagé l'Estat, que non pas
 ceux de religion contraire: sur tout lors
 que le feu Roy d'Espagne se croyant du
 tout asseuré de la possession de la France,
 appelloit la ville capitale du Royaume,
sa bonne ville de Paris. Passés la mer, & voyés
 si elle a guaranty l'Angleterre de ces ora-
 ges Castillás. Le mariage du Roy Philippe

d'Espagne avec la Royne Marie d'Angleterre, qu'a-il enfanté que troubles, cruauttez, persecutions, entreprises, & vn nombre infini de calamitez, voire le danger eminent d'une ruine entiere de ce florissant Estat, diuertie par la prouidence de Dieu, & par la sage conduite & renommée victoire de ceste genereuse Royne Elizabeth, obseruée l'an 1588. sur ceste superbe & effroyable flotte Espagnole, qui d'une arrogance & outre cuidence nonpareille se nommoit l'Inuincible, & se tenoit si assurée d'emporter l'Angleterre, qu'auant que partir d'Espagne elle en faisoit desia les partages. Et qui est celuy qui doute que tant d'entreprises faites sur la vie & perionne du Roy de la Grand' Bretagne, ne procedent d'une mesme source, veu que l'Irlande mesme n'a peu estre exempte de ces pratiques & corruptions? Que dirós nous de ces nobles Prouinces du Pays-bas, le vray theatre des tyrannies, persecutions, desloiautez, violemens de la foy promise, subuersions des loix & priuileges? Quels en ont esté les effects? vn trop tard repentir aues la courte honte & grande ignominie de l'Espagnol, à la louange & gloire immortelle de la plus

flourissante partie desdites Prouinces, qui en despit de son orgueil, par l'assistance de Dieu & de leurs bons amis, se sont mis hors de page, & se maintiennent par sa propre renonciation en Estats libres & Souuerains?

Or n'est-ce pas dans ce grand & auguste Estat d'Allemagne, patrie & pays originaire du Roy d'Espagne, & de sa maison d'Autriche, & dans les Royaumes & Prouinces de l'Empire, que depuis quelques annees, & encorés à present ceste affectée Monarchie, nourrit ses esperances, & iouë tout ouuertement la farce de ses ambitieux desseins. Et ce partie par les abominables pratiques des Iesuites: partie par la force des armes, plustost desguisees & trompeuses que genereuses, au grand preiudice, & contre l'expresse teneur des constitutions Imperiales, & des loix fondaméntales de ce grand Estat, sous le faux pretexte du nom, & de l'autorité empruntée des Empereurs, depuis qu'ils ont esté choisis de la maison d'Autriche; laquelle par le maquerellage des Iesuites s'est aujourdhuy entierement soumise à l'Espagne, comme ne retenant plus rien de son ancienne liberté & integrité Ger-

manique. Car pour passer sous silence le
 mespris du public (auquel ladite maison a
 depuis plusieurs années fort peu contri-
 bué, ou comme rien du tout,) l'inegalité
 de la iustice, & le grand abus des contri-
 butions des Estats de l'Empire, accordees
 pour la manutention de la iustice, & pour
 la deffense de la patrie, mais employées
 depuis quelques années en faueur des en-
 nemis ouuerts, & pour la propre ruyne de
 l'Empire, & des plus grands Princes, vil-
 les & Estats d'iceluy. Qui est-ce qui igno-
 re les brigues & menées des Iesuites & Es-
 pagnols, qui se font aujourd'huy en fa-
 ueur de la maison d'Autriche; & par con-
 sequent de leur chef d'Espagne, presque
 en tous les Archeueschez, Eueschez,
 Estats & benefices dépendant de l'Empi-
 re, mesme qui sont encores és mains de
 Catholiques? Et qui est-ce qui ne void
 d'autre costé l'inuasion ouuerte, aussi bien
 que l'vsurpation tyrannique de l'Empire,
 par les occurrences des pays de Iuliers &
 de Cleues, par l'ocupation du Rhin, des
 villes Imperiales d'Aix, de Vvesel, &
 d'autres, qu'il n'eust point laissées en arrie-
 re, si la valeur & promptitude de mon-
 sieur le Prince d'Orange ne l'eust preue-

nu? Villes qu'il détient encores, aussi bien apres la mort, comme durant la vie de l'Empereur, duquel il auoit faussement emprunté le nom; le tout aux yeux, à la barbe & ignominie, non seulement de tous les Electeurs, Princes & Estats de l'Empire, comme les plus interessez: mais aussi des grands Roys de France & de la Grand' Bretagne, & des Prouinces vnies & libres du Pays-bas, desquels tout ensemble, & de leur entremise & **ne**gociations, il n'a fait que se rire & moquer, ayant honteusement eludé le Traitté de Santen? Que diray-je de l'Austriche, pays originaire & hereditaire de ceste maison, & des Prouinces voisines de Styrie & Carinthie? Item, du Royaume de Hongrie, honteusement & dangereusement abandonné, & exposé aux hazards de la fortune, apres auoir veu ses frontieres & places fortes entieremēt desgarnies d'hommes, de munitions & artilleries destinees contre l'ennemy cōmun du nom Chrestien? mais employees pour la ruyne de la Couronne de Boheme, principal membre du S. Empire, & de ces belles Prouinces de Moraue, Silesie & Lusace, qui en dependent. Certes par tout des cruantez, per-

fidies & desloyautez si excessiues, que ceux dudit pays d'Austriche mesmes, publient qu'on ne leur a gardé ne foy ne loy, ny promesse quelconque, principalement depuis que ces Prouinces, & sur tout celle du Royaume de Boheme ont à bon droit refusé d'entretenir vne guerre dangereuse & non necessaire en faueur de l'Archiduc Maximilian, frere des Empereurs Rodolphe & Matthias, pretendant pour lors sur le Royaume de Pologne, contre le Roy d'aujourd'huy, & la plus part des Estats dudit Royaume, qui pour le present en doiuent auoir souuenance. Entreprise qui ne tendoit aussi qu'à l'agrandissement de la maison d'Austriche; & par consequent de la Monarchie Espagnolle, laquelle voyât qu'elle ne pouuoit en tous ses desseins jouyr absolument dudit Royaume de Boheme & desdites Prouinces à sa poste, a tasché non seulement de leur oster leurs priuileges & franchises tres-anciennes, mais aussi de les reduire avec le temps immediatement sous le ioug de l'Espagnol: comme des-apresent, bien que clandestinement elle a fait par traité & accord expres. Ce que vous verrez plus claiement par l'escrit que ie vous enuoye,

qui est vn dénombrement des plus importantes raisons qui nous ont portez, & comme contraincts de deposer Ferdinand d'Austriche, & de ietter les yeux sur le Prince Electeur Palatin, plustost que sur pas vn de ses concurens; bien que tous doiez le qualitez & dignitez tres-grandes & tres-conuenables pour estre apellé & receus à celle du Roy de Boheme, afin qu'un chacun voye qu'un si notable changement n'a esté fait sans causes tres-urgentes, ny sans y auoir esté comme contraincts pour sauuer nostre tres-chere patrie du naufrage: nous contenans neantmoins en toute ceste procedure, dans les termes sacrez des loix fondamentales de nostre Royaume, auquel la liberté de nos suffrages tient lieu de loy salique, qui ne peut estre violée sans vne subuersion entiere de l'Estat; laquelle tous bons patriotes, & specialemēt ceux qui ont vocation dans iceluy: comme parmy nous, les principaux Officiers de la Couronne, & les Estats du Royaume, legitiment assemblez, doiuent preuenir & empescher de tout leur pouuoit que la maison d'Austriche ny entre.

Raisons

RAISONS POURQUOY

*les Estats du Royaume de Boheme,
& Prouinces incorporees, ont fondé
l'election du Roy Frideric, Prince
Electeur Palatin.*

LA Nomination ou election d'un Roy de Boheme requiert vne bonne & meure deliberation, mais l'affaire n'est pas du tout si difficile, cōme la resolution de le deposer : Car celle-cy estant le fondement de celle-là, requiert vne forte & solide iustification, là où l'election suit comme vne consequence necessaire, l'abdication laquelle estant faite, l'autre s'en rend d'autant plus aisée, pourueu que d'un costé l'on ne s'amuse point à la recherche d'une perfection absolüe, laquelle ne se trouue point au monde, & que de l'autre despoüillât toute passion particuliere, l'on se fonde purement sur les raisons solides des aduis & rapports bien esclaircis. Or est-il qu'il y a certaines qualitez si necessaires pour l'election d'un Roy de Boheme, que là où elles ne se rencontrent point vn bon & fidele patriote ne peut

porter ses sentiments ou inclinations.

I. Le premier est, que le Prince qui doit regner sur nous, ne soit entaché d'aucune de ces extremitez, pour lesquelles nous auons reiecté Ferdinand; c'est à dire qu'il obserue vne iuste esgalité pour ce qui est de la Religion, sans estre plus particulièrement enclin à haine, ou a faueur enuers les vns que les autres. *Que* pour le gouuernement de cest Estat, il ne depende ny de ses propres Conseillers, ny des estrangers, ains qu'il se conduise par le Conseil, des Estats des Prouinces, & Officiers de la Couronne, suiuant les Loix d'icelle: qu'il ne soit point enclain à precipitation ny opiniaistreté: qu'il regle ses Coustumes & celles de sa maison selon les priuileges & constitutions du Royaume.

II. Qu'avec reputation il ayme & fauorise les Estats.

III. Qu'en temps de paix & de guerre, il puisse vilement & commodement assister son Royaume.

IIII. Qu'il ne soit dangereux & nuisible aux amis & cōfederés de la Couronne.

Or est-il qu'en ceste Election se sont rencontré cinq Princes, à sçauoir le Roy de Dannemarck, le Prince Eleûteur Palatin, Saxe, Sauoye, & Betelen Gabor. Chacun de ces Princes est doué de grandes vertus, & a ses merites particuliers, & qualitez dignes de loüanges. Mais en cest endroit il se trouue vne disparité, laquelle vn chacun de son propre iugement pourroit discerner avec l'honneur & le respect requis enuers de si grands Princes.

Et d'autant que les comparaisons sont odieuses, & que la plus-part des grands n'aiment point que l'on parle trop librement d'eux & de leurs affaires, remettant le tout à la discretion d'un chacun. Il suffira de toucher icy succinctement & sans ofencer persõne, les causes pour lesquelles ledit Prince Eleûteur a esté iugé respectable, pour la manutention de ceste Couronne, & del'Estat present des affaires publiques: Car iceluy, bien que Prince encor' ieune de vingt-trois ans, est neantmoins d'un esprit vif, & d'un iugement solide, bien & vertueusement nourry dès son enfance, tousiours esleué prés

de grands personages experimentez aux affaires de guerre & d'Estat, accoustumé à desbonnairté, & se formera plus aisément aux Coustumes de ce Royaume, que s'il estoit plus aagé. Ioinct que Dieu ne departit pas tousiours sa sapience selon la mesure des années, mais selon qu'en sa crainte on la luy demande; ainsi que nous voyons & experimentons tous les iours. En ses actions il est moderé, vertueux, courageux, en son parler aduisé & veritable, gracieux à vn chacun; à la cognoissance de diuerses langues, tient vne Cour splendide & magnifique. Est amateur & fauteur de la Noblesse, receuant neantmoins aussi à son seruice, en son Conseil & autres charges, gens de condition inferieurs selon la capacité d'vn chacun. Il est recognoissant enuers les siens qui le meritent; domine discrettement, s'estudie d'auoir à son seruice des personnes notables; tient vn Cōseil bien reiglé; assiste & se trouue volontiers aux deliberations; prend garde exactement aux aduis & opinions de ceux de son Conseil; est fort estimé de sa viuacité és affaires & consultations d'importance, aime d'estre

bien informé, est tres-affectionné au public, pour lequel il s'employe serieusement avec labour & peine; secourable aux persécutez & oppressez, vigilant, soigneux, prest, resolu, aimé de ses subiects, paisible & bien d'accord avec ses voisins de quelque religion ou qualité qu'ils soyent, & respecté d'eux: Et encores qu'il soit de la Religiõ, si est-ce qu'en ses terres & Estats, on n'est aucunement molesté ny inquieté pour la religion: De sorte qu'un chacun qui au reste se comporte en homme de bien, y peut viure en toute seureté & tranquillité.

L'on ne s'est pas apperceu d'aucune precipitation ou opiniastrété en ce Prince; vices aujourdhuy par trop communs aux grands, & qui souuent causent beaucoup de mal avec ceux de la maison Palatine, comme le Duc de Bauieres & autres: Il entretient bonne correspondance & amitié, & pour tout cela ne cede rien de ce qui luy appartient de droict, ou bien au public.

Ledit Roy bien que Prince encores ieune, & fort gracieux à un chacun, ne demontre neantmoins aucune legereté ny

imperuosité en ses actions, ny qu'il soit porté d'aucun desir ou appetit desordonné à l'excez des viandes ou breuuages, à l'auarice, prodigalité, ou aucune autre chose contraire à la reputation & dignité d'un si grand Prince.

La grande & notable assistance que la Couronne de Boheme se doit promettre de ce Prince, se peut aysement iuger par la cognoissance que nous auons tous de ses affaires, qui sont en tres bon Estat. Car non seulement il n'est point endebté; & par consequent peut faire espargne de son reuenu, mais aussi de ce qu'il a le Roy de la grand' Bretagne pour beau-pere. Le Roy de Dannemarck, & le Prince Ele-cteur de Brandebourg pour proches parens & bons amis, aussi bien que le Roy de Suede, le Roy de France pour ancien alié, à la Couronne duquel la maison Palatine a rendu en diuerses occasions (& depuis fort long temps, mais specialement à la maison de Bourbon, & mesmes au feu Roy Henry le Grand) de tres-notables & signalez seruices. Les principaux Princes & Estats de l'Empire pour associez & parens. Le Prince d'Orange & le Duc de

Bouillon pour oncles. Les Estats des Prouinces libres du Pays bas pour confederés, les villes Maritimes & Anseatiques de mesme, Venise, Sauoye, & les Suisses pour bons amis. Le Prince de Transylvanie pour confederé, ils s'entretient avec Saxe & Bauieres, est respecté de Mayèce & autres Princes voisins, de sorte que moyennant l'ayde de Dieu, sa prudence & puissance, il est à esperer que la Couronne de Boheme recouvrera en vn instant sans grande peine ny fraiz la paix tant desirée, & pourra avec reputation & facilité se conseruer ce precieux tresor contre toute violence & pratique ennemie.

FIN.

